

БЛАГОВѢСТИНИК

ДУХОВНА ГАЗЕТА ДЛЯ ПОДКАРПАТСКИХ РУСИНОВ

Выходит двараз в мѣсяць
каждого 1-го и 15-го.

АДРЕС:
редакції и експедиції:
REDAKCIA „BLAGOVISTNIK“
Užhorod, Kapitulska, 3.

ПРЕДПЛАТА:
на рок 12.— К
одно число60 К
За границу 20.— К
До Америки 1 Д)

ОБЯВЛЕНИЯ
принимаются по дѣнѣ
за 1 сторону .. 100 К
за 1/2 сторону .. 50 К
за 1/4 сторону .. 25 К

Чого жадае „Благовѣстникъ“ въ новомъ роцѣ?



лаговѣстникъ“ жадає припомогати тому, чтобы бывъ
якъ найблизшое сообщеніе межи священствомъ
и вѣрными. „Благовѣстникъ“ хоче, якъ его имя
говорить: ширити „благу вѣсть“ то есть св.
евангеліе межи греко-католиками не лишенъ Под-
карпатя, але и межи тѣми у Бачки, у Славоніи, у Боснѣ, а не
забуде и на своихъ братовъ поза моремъ у Америцѣ и по дру-
гихъ сторонахъ свѣта.

„Благовѣстникъ“ буде отверто выступати противъ безвѣря
теперѣшнихъ часовъ поучуючи своихъ читателевъ о правдахъ
вѣчныхъ, котрѣ намъ изъ неба принесъ Іисусъ Христосъ.

„Благовѣстникъ“ буде старатися показати непобѣдиму силу
Церкви Христовой и у днешнихъ часахъ. Онъ хоче розширю-
вати меж всѣми греко-каѳоликами ревностъ за христіянскѣ иде-
алы, за идеалы вѣнчѣ.

„Благовѣстникъ“ буде робити около того, чтобы нашъ ру-
ський народъ по всѣхъ сторонахъ свѣта бывъ народомъ Божімъ
постояннымъ у св. вѣрѣ, переданнымъ св. Церкви, повной надѣї
на Бога съ христіанскою побожностю, народъ моральний, чи-
стый по дусѣ и тѣлѣ.

„Благовѣстникъ“ буде старатися о том, чтобы въ нашихъ
фамиліяхъ розширьовавъ ся и пановавъ духъ Христа Господа и
его св. законъ. Мы далеко отъ каждой политики будеме стара-
тися поучовати нашъ народъ о правдахъ и красотахъ нашей
греко-каѳолицкой вѣры. Не перестанеме, если буде потреба, и

дальше боронити нашу св. вѣру, то найдорогшое благо нашей души.

„Благовѣстникъ“, знае, же его св. обовязокъ доводити своихъ читателевъ до вѣчныхъ жерель ласки и любови Божой, до якъ найчастѣйшого приступаня къ св. Евхаристіи. Пресвята Евхаристія давала силу и моць першимъ христіянамъ у найтяжшихъ мукахъ и они вытревали до конца за Христа Господа и его св. Церкву. Она подастъ и намъ помочь и силу до побѣды.

Если люди безвѣрнѣ стараютъ ся всѣми способами переробити свѣтъ за діавола и его науку, наша свята должностъ противъ того дѣлати, роблячи за Христа Господа и его св. науку. Много и много всѣмъ треба бдѣти и молитися, чтобысме могли перейти посередъ рода сего строптива и розвращенна. Нам не треба ничего боятися, бо съ нами буде самъ Богъ, если мы будеме его науку научовати, его законъ боронити, по его заповѣдяхъ свое житя управляти.

Нашъ програмъ есть програмъ любви Христової. И мы отверто поручуеме всѣмъ братямъ и сестрамъ, котрѣ дали ся звести и одпали од той св. вѣры, котру Іисус Христось научовавъ, котру апостолы проповѣдали, котру намъ принесли св. отцы, св. Кирилль и Меѳодій и другіи святіи. Братья и сестры наши! Повернѣть ся назадъ на лоно Церкви Христової, бо для васъ нѣтъ спасенія позаду Церкви. Един Богъ, едина вѣра — един Іисус Христос! Господь Богъ най намъ буде всѣмъ на помочи у нашей роботѣ въ новомъ роцѣ!

Пресвята и пренепорочна Дѣва Марія най выпросить отъ Г. Іисуса Христа всѣ ласки нашимъ читателямъ!


Съ Богомъ зачинаеме, за Бога робиме!

До помочи просиме всѣхъ: священиковъ, учителей, свѣтскихъ нашихъ пановъ, богатыхъ и убогихъ, ученыхъ и неукихъ. Кто може, най намъ поможе съ грошми за друкованя и паперь; кто немае грошей, най намъ поможе съ добромъ совѣтомъ; а кто и того немае, най частѣйше помолить ся за редактора Благовѣстника, чтобы Г. Богъ поблагословивъ его перо и роботу всѣхъ писателей!

Каждый читатель най розширює „Благовѣстникъ“ и най принайменше одного нового передплатника знайде. Кто знайде 10 новыхъ передплатников даромъ достане 1 число газеты, календарь „Благовѣстника“ и всѣ его выдавницства.

Читателъ на роботу! Богъ такъ хоче!

Редакція „Благовѣстника“.



Любити ци ненавидѣти Рим? Отвѣт на сей вопрос най подае першій из святих восточної Церкви, св. Іоан Золстоустный. В одной своїй проповѣди (32. до посл. св. Павла к. Кор.) так хвалить Рим: „... Зато люблю я Рим, и хотя мог бы я и из иных причин прославляти его: про его великость, про его всечесный вѣк, красоту, богатое населеніе, про его власть, его богатство, про его подвиги в войнах, я сесе все обминаю и прославляю его зато, бо св. Павел к Римлянам посланіе писав, их так горячо любив, лично с ними говорив и свое житя там закончив. Зато есть сей город такій славный над всѣми городами. Он мае, як тѣло людское два блискучѣ очи, тѣлеса обох двух святих (Петра и Павла). И небо не блишае лѣпше, коли сонце свои лучи выпускае, як город Рим с сими двома очами, котрѣ засвѣтять всѣ земли свѣта. Из сего города буде св. Павел, вотси буде св. Петр колись на конци свѣта в высоту поднятися.

Подумайте лиш и застрахайтесь, яку сцену буде видѣти Рим колись, як св. Петро и св. Павел нагло воскреснуть из гроба и пойдуть на встречу Спасительови! Якъ чудеснѣ ружи посылае Рим Христови, яким красным вѣнцем окрашенный сесь город, яким дорогоцѣнным золотым ланцем есть он препоясный, якъ богатъ жерела благодати посыдае он. Зато удивляю я сей город, не про повноту золота, не про цѣлѣ ряды колумны и чрезвычайный его розкош, но про сесѣ два колумны, стовпы Церкви Христовой.

О як бы я любив видѣти гроб, где оружія правды и свѣтла почивають, мощи в которых Христос жив, котрѣ для свѣта роз-

пятъ были, члены котръ облекли ся в Христа, той храм Духа Святого, той будинок воздержаный Духом Святым, перенятый страхом Божім, котръ означенъ были чудесами Іисуса Христа. Сесь мощи сохраняе город, что для него есть твердою стѣною, твердѣйшою як всѣ турнѣ, и безчисленъ шанци.

Видѣв бы я там и мощи св. Петра. Як он еще жив често-вав его св. Павел: „взыдох в Іерусалим соглядати Петра (видѣтися с Петром) и пребых у него дній пятьнаадесять“ (к Гал. 1, 18) каже он. Зато хотѣла Божа ласка, чтобы и в гробѣ по смерти виедно спочивали...“

Так величае и прославля св. Іоан Златоустый Рим. А наши заблудженъ шизматики всю свою ненависть выплюютъ на сей св. вѣчный город! Кто также держить вѣру исповѣдану св. Іоанном Золотоустым? Мы ци они? Отвѣт не тяжкій. Но тяжка буде встрѣча на страшном судѣ с св. Іоанином Золотоустым тым нещастным, котръ так далеко отдалили ся от его св. науки...

Упадок схизматицкого движенія в Америцѣ напоминаніем для нас. Оден щирый русин, дописователь нашей газеты, слѣдующія извѣщае нам из Америкѣ: „Тут в Америкѣ схизматицкое движеніе совсѣм перестало; тихо сидят схизматики и упадают духом, ибо уж и церкви их продаются. Архи-паstryи ихъ, Платон и Дзубай явно, в газетах суспендовали один другого. Схизматицкое движеніе в Америкѣ николи и не было вѣроисповѣдное, но або просто политическое с части головачов, або происходящее с части мѣстных довгоручных людей с жадостю большевицкою: „свободно“ газдовати с маєтком церковным. Но головна причина схизмы, теперь уже помершої, была и тут легкомысленность простого, хотяй доброго народа руського, который легко дав здуритися агитаторами и нахваритися на залишеніе своей правдивой, отцевской церкви и вѣры“. Схизматицкое движеніе в Америкѣ николи и не было вѣроисповѣдное, но або просто политическое с части головачов, або происходящее с части мѣстных довгоручных людей с жадостю большевицкою: „свободно“ газдовати с маєтком церковным. Но головна причина схизмы, теперь уже помершої, была и тут легкомысленность простого, хотяй доброго народа руського, который легко дав здуритися агитаторами и нахваритися на залишеніе своей правдивой, отцевской церкви и вѣры“.

Се, — любѣ читателѣ — что сталося с хитрою схизмою в Америкѣ! Заосновалася она на долларах, на безсовѣтной брехливой агитаци и на невѣжествѣ народа.

С такими темными средствами жадна „вѣра“ не могла еще до успѣха и роспространенія дождатися. В незаконном ложи зачавшаяся американська схизма смѣшною, ганьбливою смертю має померти, „архи-паstryи“ же Платон и Дзубай, вмѣсто того, чтобы своей незаконной дѣтинѣ послѣднєе цѣлованіе подали, выключають один другого из схизматицкой церкви!

Так то має статися и на Подкарпатской Руси, ибо схизма и тут не в религіозном уб'єждениі корен'ється, но в „свободном“ газдовствѣ с церквами и церковными маетками.

Там есть ужасный вел. лучанскій примѣръ! Кто разсіяв между тамошним богобойным обывательством страшный куколь схизмы?

Оден Чволь, оден Рапинец, оден Незбайло и пр., остатнѣ пройдисвѣты и нич не им'ющѣ пролетарѣ, котрѣ жадного связа не мають с автохтонным обывательством, ибо были и суть пришелцами, котрѣ, або их предки в цуравом петецѣ, смиренно прибыли даколи до Лучок, а теперь запановати могли над народом, бо они дѣлят вшитко, и церковное и громадское, а то так, чтобы сметана им осталася.

Такѣ пришелцѣ суть повсюду головными агитаторами схизматицкого большевизма и из сего обстоятельства произвести має кождый тверезный чоловѣк, что на чужом грунтѣ, чужинцами, из каляногого матеріяла збудована схизматицка церков и у нас, яко в Амдрикѣ скоро роспадеся.

Тверезный также чоловѣк не продастъ св. церков и вѣру свою, боится бо кары, яка и Юду Искаріотского справедливо осягнула.

Учимся из случая американского!

Ци можливѣ суть чудеса? Доки Господь Бог над нами живе и царствує, чудеса всегда можливѣ суть. Бог есть паном природы, он сотворив свѣт и он дав законы природѣ. Кто годен быв создати свѣт из ничего, чому бы не мог тот чудо дѣлти? Кто сотворив чоловѣка, той годен соединити тѣло и душу через смерть розлучену т. е. воскресити умерца. Кто око сотворив, тот годен слѣпѣ очи выздоровити, на кого слово повстав сей величезный свѣт, тому должнѣ повиноватися всѣ сили небеснѣ и земнѣ. Лиш кто в одного всемогущого Бога не вѣруе, тот годен твердити, что чудеса не суть можливѣ.

Здається, что такѣ люди сидять в редакції „Русской Земли“. Кажуть люди а и новинки уже почали писати, что в одном селѣ на Словенском, в Кольчово-Довгом (коло Сочурова) от 1-го дециембра вже большераз появилася Пресвята Дѣва Марія одной богобойной христіянки. От того часу образ Пр. Дѣвы Маріи на стѣнѣ хижи той вдовицѣ видимый быв тысячам и тысячам людей и то не только як Р. З. думає „темному народови“,

(єсть — видить ся — кождый, темный кто вѣруе в чудотворной силѣ Бога) но и священникам и деяким интеллигентным панам, котрѣ суть на только просвѣщенѣ як панове из редакціи Р. З.

Мы еще задержиме наш суд о тых чудесных явленіях; задержиме доти, доки не выйде там офиціальна комиссія через котру буде доказано, что такѣ явленія там дѣйстно случились и что они суть дѣлами Божіми. Дочекасме, что до сих чудес скаже Церков Христова, котра в таких дѣлах помылити ся не може. Но навперед не отрицаєме, ис высмѣваєме, бо стоиме на основѣ христіянской вѣры, котра возможным держить и днес чудеса. Не покуртѣли и днесь руки Божіи; в Лурдѣ, в Лимпіясе, в Марія Повчи и в XX-ом столѣтїи случаться чудеса и чудеснѣ выздоровленія. И доки каѳол. церков стояти буде, Бог все допустить чудеса як знаки и доказы божественнаго происхожденія хр.-каѳ. церкви.

Не чудно зато, что панам в „Русской Землѣ“ не на дяку суть чудеса в хр. каѳ. церкви. Они котрѣ в своеї газетѣ только многораз нападали на нашу вѣру, и суть вождами шизматицкой агитациіи направленной против прав. каѳ. вѣры и не могутъ писати о чудесных явленіях случившихся в Колчово-Долгом ишак як: „видно, что есть люди, котрѣ вѣрують в того рода фантастически чудеса“. Ой суть и дастъ Богъ что и до конца свѣта будуть люди, богобойнѣ христіяны, котрѣ вѣрують в одного всемогущего Бога. Лиші кедь бы сесѣ люде мали таку тверду христіянску свѣдомость, газеты „такого рода“ як Р. З. послати назад у редакцію тым панчукам, котрим „дивно“ что подкарпатскій русин еще не став ни шизматиком ни безбожным, но еще все вѣруе в Бога.

Не украшайме вѣроломников назвою: православный! Их правдивое имя, что собѣ повно заслужили: шизматик (отступник). Единственно мы носиме с полным правом имя православный, бо мы есме наслѣдниками св. отцов Василія Великого, Іоанна Златоустого, Аѳаназія и прочих великих славянских апостолов св. Кирилла и Меѳодія, котрѣ исповѣдали „православну“ вѣру, держали „греческій“ обряд и принадлежали до „каѳолической (соборной) церкви.

ПРАКТИЧНЫЙ КАТЕХИЗ.

Вѣра — то дар Божій.

Что значить вѣровати?

Вѣривати значить приняти за правду то, что другій говорить: За правду приняти то, что Бог откровив.

Что есть вѣра христіянина — каѳолика?

Вѣра христіянина-каѳолика с 1) дар Божій, который 2) просвѣщає розум наш, и 3) волю нашу наклонить на то, чтобы мы без сомнѣву приняли за правду все то, что Бог откровив и через Церков свою нам для вѣровання преподав

1. *Вѣра то дар Божій.* Жив в Россіи един урядник, вѣрний христіянин-каѳолик, а жона его протестантка. Сей урядник мав одного доброго друга в особѣ священника одного из сосѣдних сел. Коли раз через тое село путешествовав священник, что го тягло до друга — урядника. Но понеже пильну роботу мав, з перву не хотѣв повернути до него. Еднако на конець зайшов. Ледва вступив, урядник сими словами привитав его:

— Правѣ теперь я думав на Вас, и хотѣв когось послати за Вами, ибо жона моя дуже хвора, и може что перед смертю вернула бы ся до правої Церкви каѳолицкоѣ.

Так и боло. Жона приняла каѳолицку вѣру, высповидалася, причащалася и у пару годин тихо упокоилася.

Чим она заслужила сесь великий дар Божій? На се одповіли єѣ записки, котрѣ свѣдчили о том, что она ни еден день не хотѣла пережити без того, обы якій милосердный учинок не зробила. За єѣ доброе сердце ко бѣдным, нагородив єѣ „добрий пастырь“ даром вѣры.

И ты Русине, если нападають на тя искушенія шизматиков, во первых подумав на то, что вѣра — то дар Божій, и в горячих молитвах проси Духа святого, чтобы подав тебѣ сей найдорожній свой дар.

2. Вѣра Христова просвѣщає нас. Св. Августин, сяк молився: „Хвалу Тебѣ воздаю Просвѣтителю мой! Я стався хрис-

тиянином; теперъ вже чисто вижу страшну пропасть, над котрою я лежав; трясучися кажу: О темното, в котрой не мав я просвѣщения! О, моя пережня неукость, в котрой я не нознавав тебе Господи! Так поздно упознав я тебе, мое правдивое просвѣщеніе! Но зато благодаро тя тысячраз, что просвѣтив есь мене и помог упознати Тебе и мене.“ (In soliloquiiis, cap. 33.)

Един редактор едноѣ великоѣ французскої газеты р. 1864. тяжко похворѣвся. Принадлежав он ко так званным „свободомыслящим“ котрѣ пренебрегали вѣру, до церкви не ходили и остро боролися против каѳ. Церкви. И тогда, коли хворый быв, дав собѣ читати из книги Ренана, котрый нападав на вѣру Христову и на божество Іисуса Христа. Ледва прочитали ему два-три уступы, редактор заговорив:

— По правдѣ, я до теперь не вѣровав во Христѣ, но сеся паскудна книга отворила ми очи: ѹбо против чого так много клевет нанесли злѣ духи, то мае быти высока правда.

И розказав, обы ид ньому прикликали священника.

Коли священник встунив у комнату хворого, сей скочив из постели, глубоко поклонився и просив, чтобы мог поцѣльовать крест того Христа, против котрого так много писав.

Высповидався, причащався и другого дня умер. (Gemeindezeitung III.)

3) Тверда вѣра подає силу нашей волѣ, чтобы мы могли и терпѣти за правду.

Коли цѣсарь Валенс переступив ко сектѣ Арія, рѣшив и св. Василія Великого перетягнути на свою сторону и послав ко нему Модеста, мѣстодержителя своего, чтобы наговорив Св. Василя на отступничество. Модест всякими обѣцянками и хитрыми похвалами хотѣв св. Василя наклонити Аріализму. Но святий архіепископ одповѣв:

— То что Церков учить, то од Бога достала; за сесю вѣчну правду я и живот свой oddam, но ани одну букву не затаю из науки Христа.

Тогда Модест став грозити св. Василія, но се не помогло.

Модест и Валенс мусѣли призвати, что тверда вѣра Св. Василія Великого побѣдila их.

Так повинен каждый вѣрный христіанин держатися до своеї Церкви.

Во борбѣ искушеній узнаєся твердость, ці слабость вѣры. И кто видить в собѣ знаки слабости, най спѣшишь подкрѣпитися ко источнику милости!

ИЗ ЖИТИЯ СВЯТЫХ.

Св. Поликарп епископ Смирненский священномученик.

-- Память 23-го фебруара. --

„... Смерть на безбожных християн! Поликарпа перед львы“ кричав народ в циркусъ ...

Вытягли его на середину циркуса, старика съдоволо-сого ...

Як Поликарп ступив на середину, задзвенѣв голос из неба: „Будь крѣпкій, Поликарпе и смѣлый.“ Глаголючаго никто не видѣв, но голос чули всѣ, котрѣ из наших притомнѣ били ...

Народ принялъ его бѣшеным криком и запровадивъ передъ проконзула. „Подумай на твою старость!“ промовляв до него проконзул. „Божи ся, императору! Подумай! Божи ся, и я тя отшущу! Заклини Христа твоего!“

„Шѣстьдесятъ лѣт служу Іисусу Христу — каже епископ — и николи ничего злого менѣ не зробив. И як могу я Его проклинати, коли Он моим Спасителем и Царьом?“

На то проконзул: „Вержу тя перед звѣри, як не отречеш ся вѣры твоей!“

Поликарп: Роби что хочеш! Навернути ся от доброго до злого, то неможливе; но от злого до правды и истины обернути ся, то уже честное дѣло.

Проконзул: „Як ты звѣрей не боишся, пожре тя огень!“

Поликарп: „Ты грозиш мене огнем, что горить за годину и выгасне. А огнь будучого суда и вѣчной кары, что на безбожников чекає не познаеш. Что ся одятагаеш? Роби что хочеш!“

Розяреный народ наскоро позбирав дрова и хворост для костыря.

Поликарп зложив свою верхнюю одежду, развязав пояс и обувы. Руки его связали из заду. Он же як жертвенный агнецъ, кто из одного великого стада выступить приносити себе за жертву, поглянув на небо и казав:

— Господи, всемогущій Боже, Огче возлюбленного и благословенного Сына твоего Іисуса Христа, через кого мы познали Тебе, Бога Господа ангелов, силы, всего сотворенного свѣта и цѣлого стада праведных, котрѣ перед лицем твоим жіуть. Величаю Тя, что Ты удостоив мене дочекати сесю годину и сей день и участником быти обществу твоих мучеников, чашь воскесенія нашего тѣла и души на вѣчный живот, неминулости Духа Святаго. Меже твоими мучениками можу и я быти и приносити себе за жертву обѣ единому Богу нашему. Зато величаю и прославляю Тя через твоего вѣчного и небеснаго архіерея Іисуса Христа, Твоего возлюбленного сына, через кого Тобѣ и Духу Святому слава, честь и поклоненіе в вѣки вѣков. Аминь.

Як выповѣв Аминь и свою молитву докончив, запалили костыр. Поломънь поднесла ся горѣ. Но святый зостав на костырѣ непорушимый.

Як розяреный народ видѣв, что огень не мог выгасити живот святого, требовав, чтобы святому голову отрубати. На приказ проконзула кат приступив до него заколов и св. Полякара. Из смертоносной раны выбѣгла кров, а загас огень костыря . . .

„Будьте счастливѣ Братя“ —каже повѣдомленя о его смерти — „и ходѣть всегда по словам Евингелія Іисуса Христа . . . так як то робив св. Полякарп. О если бы и мы ходити по стопам Его“ — всегда крѣпко и смѣло!

Миссійна подорож Преосвящ. Епископа пряшевскаго, Діонизія по Маковицѣ и других дакотрых парохіях.

(Продолженіє и конець):

О 4. години 18. новембра увидѣли мы руины мѣста Зборова. Всѣ вѣрники римокатолики того мѣста так привитали нашого владыку у церкви и перед церквою, як свого власного владюку. Бог най им то винагородить! Епископ им за то сердечно дяковав.

Около 5. годинѣ ступили мы до базилики у Комлошу. Красна, велика церква приняла до себе великое число вѣрных. По Параклису и довшой науцѣ епископа в св. церкви всѣ вѣр-

Рок 1923.

„БЛАГОВѢСТНИК“

Сторона 43.

ники повернули до своєго дому с найбільшою радостію. Того вечера владыка приняв депутатії и поговорив с вѣрниками о их потребах. Ласка Божа и ту провадила владику и помогла ему рѣшити и найтяжшѣ вопросы.

В недѣлю рано подчас Утренѣ и читаных служб Божих епископ сповѣдав вѣрних разом с другими священниками, а о 9. годинѣ рушив ся до Бехерова. Каждому добре познато, же у той парохіи нечистий дух знайшов найбільше терена за свою роботу. Америцкѣ и домашнѣ скизматики на только побурили наших вѣрних, же много были отпали от св. вѣры и привели собѣ из Америки так званого батюшку, о котром непевно ци е посвяченый за священика. Як кто раз отпаде от св. вѣры, той не має больше миру и спокоя, поки видить коло себе других людей, котрѣ тримаються правой св. вѣры. И для того таки отпадники от вѣры не выбирают способу, щобы и всѣх других присиловати на отпад от св. вѣры. Гдѣ не можуть с ложними словами, ту пробуют с терором або с грошми.

То вѣсно бывало и у Бехеровѣ. Многѣ добро люди под притиском того терору записалися межи так званих „православныхъ“, але и дальше хотѣли мати нашого священика. Владика хотѣв особно увидѣти и то свое стадо и отверто сказать всѣм, гдѣ е правда Божа. — Велика церква у Вехеровѣ була переповнена вѣрниками. Пришли по большости и таки, котри былѣ записани на „православіе“, чтобы послухати владыку, котрого им забороняли агитатори слухати. Владыка у своєй науцѣ показав, як справедливый Бог нокарав Юду, котрый вырек ся Христа Господа, як карав и тепер карає всѣх, котрѣ идуть тою дорогою. Напоминав своих вѣрных, най тримають ся твердо вѣры своих отцов, дѣдов и прадѣлов; вѣры, котру нас учив св. Іосифат и за котру перед 300 роками помер; вѣры, котру нас научовали св. Кирил і Меѳодій, св. Теодор Студита, св. Іоан Зл., св. Василій, Григорій, Атанасій, всѣ вселенскѣ соборы, вѣры, котру принял св. Владимир, княз кіевскій и котру учати и всѣ церковнѣ книги Російской церкви.

По Архіерейской Сл. Божої владыка пошов посвятити красный крест далеко поза селом, котрый поставив Стефан Борись с своею доброю женою Теклою. Перед посвященим крестом Стефан Борись обѣцяв. Г. Іисусу Христу вѣрность до конца житя. Грекокаѳолицкѣ вѣрники тѣшили ся и

радовали, же им Г. Бог допомог дочекати той день. Они надъють ся разом с своим дух. отцем, же будуть могти наскоро увидѣти владыку по другій раз у себе и разом с всѣми заблудшими привитати владыку с повною радостю у своей церкви. Они любять своих братов, котрѣ заблудили и горячо молять ся за них. Най Господь ускорить той час!

Владыка закончив свою міссійну подорожь у *Бардіевѣ*, гдѣ на праздник св. Михаила отслужив Арх. службу Божу, и сказав науку, а вечер того дня повернув до Пряшева.

Щастлива будучность наша есть лишенъ у лонѣ Церкви грекокаѳолицкой. Она нам поможет розвинути и прапорь нашего національного розбудженя.

Най нас всѣх разом вяжет любов до св. вѣры грекокаѳолицкой, любов до св. Церкви Христової, любов до нашего доброго, але еще не просвѣщеного руського народа. Священик.

НОВОСТИ.

— Что ся стало в Копашневѣ? Достала редакція о переданю церкви копашневской слѣдуючу информацію:

„Дорогій пане редакторе! Прошу красно помѣстити в найближшом числѣ „Благовѣстника“ мою допись, чтобы шизматицка вѣра прославлялася своими „добрыми“ учинками.

Нынѣ 12. янв. отбыло ся переданіе шизматиками ограбленої и окресным судом нам назад присужденої церкви. В 3 часы рано Драговскѣ жандары разом с О. Ортутайом уже у нас были, потом пришли жандары из сусѣдних сел на чолѣ из Хуста выслапыми панами. Посвященіе спокойно откончив о. Евг. Ортутай, на котрый притомнѣ были нашѣ вѣрники, многѣ из Драгова и паны из Хуста, котрим и сим случайом выражиме нашу честь и благодареніе.

Из Золотарйева о. Неймет вюв файну протесію, на котру по шизматицкому звычаю серед села напали фотяне. Вождом сего битанства быв якійсь Василь Бандур, (уже утемниця сидить) кто такій „твердый православный“, что вже не раз заявив, что ему ни едной вѣры, ни одного попа не треба и кого Бог за сесю красну бесѣду вже тяжко покарав и однакож не познає Божу руку на себѣ. Подобный ему быв сын Чижмар

Рок 1923.

„БЛАГОВѢСТНИК“

Сторона 45.

Михайла, кто крест вырвав из руки дѣвчины и став на него-
ногою и так поламав а стебло собѣ спрятав (на шибеницу).

Старѣ ключи от церкви шизматики не хотѣли передати ;
но ключарь зробив новѣ и с тым отворили церков. Но Божа-
ласка помогла нам и старѣ ключи достати. Я жію от села на-
боцѣ и як 13-го января увыйшов ем у село, аж може даким
пошлю сесе письмо до Хуста на пошту ; раз лиш чую, что ктось
гурконить у замок церковных дверей. Иду и виджу что клерик
Кениза одомыкае дверѣ ; як мене утямив, лишив ключ у дверей
и алов, тѣкай у село ! Потому дочув ем ся, что така у них
была рада, что старым ключом одомкнуть дверѣ, зазвонять,
шизматики збѣгнуть ся и пересвятять знову церков. Неудовга-
за тым староста дав зазвонити своей дѣтинѣ, котра тыждньом
перед тым умерла, (не хотѣв чтобы шизматики єѣ звонили) на
что шизматики зачали ся збѣгати, на фару, но коли утямили, что
не на розказ Кениза зазвонили, с ханьюю розишли. Мы потом
дорадили ся, что за якійсь час церков не будеме уживати, доки
они не привикнут ходити у свой монастырь и доки не достанеме
духовника.

Потом однакож досудилисме ходити до церкви, аж мають-
тось робити та най роблять. Так и было. На Василія коли
кончилисме вечерню, шизматики нагнали ся до церкви, но жандары
порозкѣривали их аж по горах. Шизматики других сел
дочувши о сем кажуть: что видиме в Копашневѣ, то чекаеме и
на себе.

Но „о.“ Кениз дальше скакає; зобрав всѣ рѣчи отобранѣ
от золоториевской процесіи и указуючи своим вѣрникам хва-
лить ся, что: „дивѣтъ ся сесе устане нам на памятку, что мы
побѣдили“ и поклав из улицѣ у оболок (окно) на вид. Може-
хвалими ся, что не молитвою и постом, но биткою побѣдив.

Як о. Ортутай вертали до дому, чомаловскѣ шизматикѣ
(8-еро) перестали ему путь и хотѣли его забити. Но жандары,
котрѣ скрыли ся в санѣ, як шизматики закричали, выскочили
и 4-ох из злоченцов поѣмали. З бомбы найшли у них !!
Тепер в арештѣ сидять сесѣ розбойники.

Копашнево, 1923. I. 15.

М Гелебан,
гр. каѳ. православный, а не шизматик.

— Преосв. епископ наш Антоній 30-го янв. именини мав. В імени епархії красною бесѣдою привѣтствував єгъ в присутності багатьох священиків о. П. Гебей протоієрей.

— **І в Осою удурѣли.** Два шизматицкѣ агитаторы: Иван Матвійка и Федор Маринцовскій і в Осою начали свою діяволську роботу, переписовати людей на фотіянську вѣру. Люде, держтеся розуму, бо знаете, что слѣдує за тими переписками? Неспокойствіе, бунт, братска ненависть, битви, кровопролитія; право, процессы, грошевъ кары, жандары, темниця, батюшка малограмотный, (роковина ему), грызота совѣсти, ческа-хуситска вѣра... а по смерти кара Божа. Та подумайте, доки еще пе поздно!

— **Евхаристичний конгрес в Бразилії.** Сего року святковала Бразилія память своєї 100 рочнай самостойности, коли католики того краю устроили великий обход с пресв. Евхаристією. В обходѣ участвовало 150 тысяч людей. Парламент по поводу сего праздника послав папа пѣ римскому XI. Пію широе привѣтствованіе.

— **Новый календарь в Греції.** 1-го марта заведуть в цѣлой Греціи новый, Грегоріанскій календарь мѣсто Юліанового. Та уже и в отечествѣ шизмы „па-

пишскій“ календарь буде? Чтокажуть до сего „твердѣ право-славиъ“?

— **Муссолини и вѣра.** Италійскій министер говорить: Мое чувство кроз религійное. Вѣра така превосходна сила, котру почитати и защищати треба. Правъ зато осуждаю всяку дѣмагогію против священиков и вѣры, что уже и так застарѣла забава. Повторяю: каѳолицизм — велика моральна и духовна сила.

— **Гроб св. Стефана первомученика.** В селѣ Бет-Гемали на дорозѣ межи Яффою и Іерусалимом открыли остатки старинной базилики (церкви), котра построена была над гробом св. Стефана первомученика.

— **Папа римскій и бѣднѣ.** Пій XI. на праздник Богоявленія разослав бѣдным в Виднѣ, Бреславѣ, Келнѣ и в Монако по миллиону италіянских лир. Ачей за се так ненавидять его шизматики ?!

— **Нова чтоденна газета** появилася в Ужгородѣ им. „Русин“. Чистый народный язык и лояльна политика характеризують сей новый пресовий орган. В каждом числѣ находится и „Церковный Календарь“, короткое житеописаніе святого кожного дня. Надѣемся, что и в будучности не буде указатися

Рок 1923

„БЛАГОВѢСТИК“

Сторона 47.

ворожым христіянському свѣтогляду.

— **Позор всѣм русинам!** Из многих знаков пересвѣдчили смеся, что тутешнє „православіе“ только переход на ческословенску хуситску вѣру. Агитаторы „православія“ носять отзнаки червено-блѣлой фарбы с трираменным крестом. В Вульховцях (ж. Марм.) Рацин вже явно переписує людей у ческословенску церков; много батюшок (Кениз, Бѣляка) посвящење не Дозиєом, но ческо-словенским епископом Гораздом. Кениз в Копашновѣ смѣло бунтує народ против розпорядженія и рѣшенія окр. суда и хвалиться, что от Горазда має дозвол вѣру нову (ческослов.) проповѣдати и т. д. Зато позор, Русини, бо в овечої кожѣ вовки ходять меже вами.

— **Каноники в Римѣ.** Д-р Георг. Шуба и Юлій Станкай каноники с секретаріом Стойкою поѣхали до Риму в важных церковных дѣлах.

— **Назад у Христову Церков.** Протягом послѣдного десятолѣття (1912—22) навернулося на лона каѳол. Церкви около двѣста священиков. Познавше свое колишнєе заблужденіе, они ревно працають над поширеніем каѳол. вѣры помеже протестантами.

— В интерессъ христіянской прессы зорганизовалося одно товариство в Ужгородѣ под именем: „Култура“. На чолѣ сего движенія стоить о. протоіерей Петро Гебей. От 1-го фебруара вже сіе товариство выдає христіянскій тыждневик: „Свобода“. Обовязком є кождого русина подперати сіе товариство и куповати акціи. Одна акція 100 кор. Администрація „Свободы“: Капталянска ул. ч. 3.

— **„Православна любов и свобода вѣры“.** Золотарево (ж. Марм.) около обнято шизматицкими селами; и зачим золотаревскій хутор малый, а село великое, жителѣ сего села мають много землѣ позакупленїе у высшепомянутых селах. Теперь шизматики так острять и хваляться, что если Золотарево добровольно не выжене гр.-каѳ. духовника и не пересвятить церков, не выдают им земли на уживаня. Файна „православна“ любов!

— **Число причастників** в парохії Драгово ж. Марм. в 1922 роцѣ было перед Пасхою 1755; вනѣ Пасхи 1352, разом 3107. Красный успѣх в том селѣ, которое из всѣх боков обнятое шизматиками.

— **Упокоилися.** о. Енковскій Августин парох-намѣстник в Салдобошѣ 22-го января умер. Покойник за 44 роков быв душ-

пастырем салдобшских вѣрников, доки на бунтованя безсовѣстных агитаторов народ одказався своєй отцевской вѣры и своего старого духовника. На смертельной постели приходили до него и шизматики прощати ся: „Я вам

отпущу, кедь бы и Господь Бог отпустив вам!“ казав до них умераючій. Блаженый ему покой вѣчная память!

† Іос. Легеза, таб. судія 10-го января помер в Иршавѣ. Блаженый ему покой.

Короткѣ вѣсти. Мих. Врабель, бывшій редактор газеты „Недѣля“, 4-го января, в 56. роцѣ своего житя в Будапештѣ умер. — Большевицкое правительство в Петербурзѣ замкнуло всѣ католицкѣ церкви. Причиною сего поступованя служило то, что католицкое духовенство не хотѣло подписать угоду про передачу церковного маєтка совѣтской владѣ. — Митрополит Андрей Шептицкій вже вернувся из Америки, а от 18-го дециембра перебывае в Римѣ. — В Америцѣ посвятили нову гр.-каѳ. церков в городѣ Johnstown Pa. Само будованя церкви без зарядженя стояло: 210.000 долларов. — Старѣ 5-короновѣ банкноты еще до конця 1923. року можно замѣняти в Празѣ в кассѣ Банковного Уряду (Praha II. Briedovska 5). — Заосновалось товариство инвалидов „Надѣя“ в Ужгородѣ; за предсѣдателя выбрали д-ра Юлія Брашайка. „Христіянска“ (?) мадярска газета Н. У. грубо нападае за сей выбор на нового предсѣдателя. — По новому еміграційному закону Америка рочно 355.825 людей пускае в свой край; из сего числа припаде на Чехослов. и Подк. Русь 14.269. До 1-го юлія 1923. р. также из Чехословакіи еще 1588 людей можуть переселитися в Америку — В Мадярщинѣ (село Часар, ж. Комаром) поставили памятник духовнико ви Фр. Волмутови, кого комунисты в 1919. р. забили. — В Празѣ межи учительством находиться 34% безрелигійных, т. е. больше як третя часть учительов не вѣрюе в Бога и в таком дусѣ выховуе невинных дѣтей в школѣ. — Король Англицкій мѣсяца марта намиряє пойти в Рим нащивити римского отца.

ПЕРЕПИСКИ РЕДАКЦІИ.

С. С. Бедевля. Газету посылаем, як до теперъ.

М. Г. Копаша. Щирое поздоровленіе, „Благовѣстник“ с вами чувствує. Бог с нами!

Ант. Г. Т. Кривá. За книжки писала редакція до Львова.

Б. Подплеша. Ваша допись в слѣдующом числѣ появиться. Говорѣть в сем дѣлѣ с о. Хирою.

РЕДАКТОР-ИЗДАТЕЛЬ:
АВГУСТИН ВОЛОШИН.

ОТВѢЧАТЕЛЬНЫЙ РЕДАКТОР:
ЕМИЛІЯН БОНШАЙ.